



Pabalesego ka inthanete

Patricia Ndlovu

Sibusiso Khumalo






Inthanete e go naya tšhono ya go ithuta, go tshameka metshamekwane, go reka, le go bua le ditsala jaaka o dira ka metlha.

E ka nna sebaka se se kotsi mo baneng.


Ke ka lebaka la gore go na le batho ba ba dirisetsang inthanete mabaka a a bosula.



Bangwe ba ba bosula ba dirisa inthanete jaaka:

- Magodu a a utswang boitshupo ba gago.
- Bakgerisi ba mo inthaneteng ba ba bogisang, tlhapaolang le go sotlaka.
- Baraedi ba mo inthaneteng ba dira botsalano le wena ka inthanete, ka maikaelelo a tshotlako.

O tla buisa ka se, mo ditsebeng tse di latelang.



Go nna kgakala le magodu a boitshupo, o se ke wa itshupa gore o mang ka inthanete:

- Leina la gago la nnete.
- Dinomoro tsa mogala.
- Aterese ya legae.
- Dintlha ka balelapa
- Sekolo sa gago.


Tshedimosetso e, e dira gore magodu a boitshupo a itire go nna wena mo inthaneteng.



Mokgerisi ke mongwe:

- Yo o itsiseng le go phasalatsa bosula ka wena.
- Yo o supang lethoo.
- Yo o bonagalang mo melaetseng ya botlhe, mo metlotlong ya diphaposi, diphaposi tsa metshameko le mo diimeiling.

Bolelela mongwe yo o tshepagalang, fa o tshwenyega ka mokgerisi wa mo botshelong jwa mmatota kgotsa inthanete.



Baraedi ba mo inthaneteng ba bontsha e le bagolo. Ba ka leka:

- Go go batlisisa.
- Go aga botsalano.
- Go bonala ba siame, pelonomi, kgathala.
- Go go kopa senepe.
- Go go rotloetsa go dira dilo tse di bosula.

Tlhokomela gore o kopana le mang mo inthaneteng.



Ga re bone batho ba ba bosula fela inthaneteng. Go na le tshedimosetso e e fosagetseng e le kotsi.

Se dumele sengwe le sengwe se o se buisang mo inthaneteng.


Kopa motsadi kgotsa morutabana go bona fa tshedimosetso ya mo inthaneteng e le nnete kgotsa maaka.



Fa o dira mo inthaneteng:

- Nna le maikarabelo
- Nna le tlotlo
- Nna kelotlhoko.

Fa o dira tsotlhe tse, o tla bolokega mo inthaneteng.



Fa o phasalatsa tshedimisetso le ditshwantsho mo inthaneteng, o na le maikarabelo otlhe a go phasalatsa se.

Nagana sentle pele o phasalatsa sengwe.

Tshedimisetso le ditshwantsho tse o di phasalatsang di ka dirisiwa kgatlananong nao kgotsa balelapa.


Inthanete ga e le bale sepe se se phasaladitsweng, le fa o se phimotse.



Itlotle le badirisi ba bangwe ba inthanete:

ka se o se buang, o se phasalatsang, le se o se dirang.

O se ke wa tshaba go bolelela batsadi ba gago ka sengwe le sengwe se se diragalang mo inthaneteng, kgotsa mongwe yo o kopanang le ene mo inthaneteng.



Nna o le kelotlhoko ka nako tsotlhe fa o le mo inthaneteng. Se tshepe mongwe le mongwe yo o itirang tsala ya gago mo inthaneteng, gonne ba bangwe ga ba tshepege.

Dirisa tshedimosetso e e mo bukeng e, go go bontsha go nna o babalesegile mo inthaneteng.

—Dipotso

1. Naya dilo di le pedi tse o ka di dirang mo inthaneteng.
2. Naya mefuta e meraro ya batho bao ba dirang dilo tse di sa siamang mo inthaneteng.
3. Ke goreng go le botlhokwa go kopa motho yo mogolo go go thusa fa o dira mo inthaneteng?
4. Naya dilo tse pedi tse o sa tshwanelang go itsise ba bangwe mo inthaneteng.
5. O tshwanetse go dira eng fa o ikutlwa o sa babalesega mo inthaneteng?
6. Tlhalosa mefuta mengwe e le metlhano ya tshedimosetso ya mo inthaneteng e e ka tswang e sa go siamela.
7. Ga se botlhe ba ba lebegang jaaka ditsala tsa gago, ba e leng ditsala tsa mmatota! Seno se raya eng?
8. O tlhola jang gore tshedimosetso e o e buisang mo inthaneteng e nepagetse?

Buka e, ke nngwe ya metseletsele ya dibuka tse nne tsa go itsise ditlhogo tsa thekenoloji ya khomphiutha.

Bukakanelo e tlametswe porojeke ya Zenex Ulwazi Lwethu ya didiriswa tsa go buisa ya 2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education
Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Pabalesego ka inthanete

Author/s: Patricia Ndlovu

Translator/s: Dineo Moatshe

Illustrator/s: Sibusiso Khumalo

Assurer/s: Opelo Thole

Language: Setswana



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

